

Lungu - Obuwonia Ebyandiiko - Salvation Scriptures

AbEefeso 2:2 Bimwakenderaangamo, nimuloondakana nende ehola y'esyaalo sino, nimuloondakirira omuhombe w'amaani k'emboo, mwooyo oli bulaanu ohuholeraanga mu baana bahayuha.

Matayo 6:10 Obwaami bwao bwiiche; byodaha biholebwe musyaalo, koti lu biholwa Mukulu.

Luka 22:42 "Bbaabba, nikali mbwe ni ohweenya hwao, nduseho esikoombe sino; kata katyo, bitaba mbwe ni muhudaha hwange busa, nae ohwao nihwo ohuba huholerweho."

Yowaana 16:7-9 Kata katyo ese mbaboolera busa obwadyeeri buno: ni hulw'obulayi bw'eng'we nimbwaaao, olwohuba ese nitawaaao, Omukeraki oyo haba saaba achia ohwiicha yimuli daawe. 8 Mani naachia ohwiicha, achia ohuhahasa esyaalo, hu bidiira hu sibi nende obuluungifu alala nende eheenga ye misaango: 9 ohweema hu sibi, olwohuba abo haba sibafukiirira mw'ese;

2 Timoteo Yohubiri 2:10 Mani sakira ngumira ebiindu byoosi hulw'obulayi bw'abadoole ba Nasae hu bosi banyale ohunyoola obuwonia buli Kristo Yesu alala nende oluyaali lutaakama.

AbaRoomu 15:20,21 Sindekombaanga buli Iudaalo syali ohuyaala Emboosi Ndai mu bituundu bitawuliraho ebidiira hu Kristo, hu haye ohwombaha hu musiingi ku muundu wundi yachaaka. 21 Koti ebyandiiko byolerefu biboola biti, "Abo abali nibataboolerwaho ebimudiiraho, bacha ohubona, handi abo abatawuliraho bacha ohumanya."

Ebiholwa 2:36,37 Leha enyumba ya Yisirayiri yoosi yimanyire elalira nende obwomiifu yiti, Nasae amalire ohuhola Yesu yimwahomerera wuno, ohuba Omwaami handi Kristo." 37 Nae bulaanu nibawulira sino, syabachuunira elalira ohwoola hu ndasi, mani baboolera Peetero alala nende Abatume basye boosi bat, "Baana beefwe, siina syeene sihiba huhole?"

Ebbarwa y'AbaYibburaniya 4:2 Olwohuba fwesi hwawulira Emboosi Ndai koti lu bosi bawulira. Bawulira emboosi, nae haba siyabahoonya, olwohuba nibayiwulira haba sibayaakanira nende efukiirira.

Yeremiya 24:7 - Matayo 22:37 Nae Yesu yakobolamo ati, "Dahaanga Nasae Omwaami wao nende omwooyo kwao kwoosi, nende obulamu bwao bwoosi, nende amakesi kao koosi.

Ebiholwa 16:14 Mulala hu bandu bali nibatutekeree yali omuhasi olaangwa mbwe Lidiya, owali natula mu siko sihuluundu sya Siyatiira,

owali omukusi w'ebiindu byehoonyerwa nende abandu batuki, handi owali omwiinamiri wa Nasae. Omwaami yeecha yamwikula ebibaaso awulire mani adiire ebiindu bi Paulo yali nalomalooome.

Matayo 13:14-16 Sakira emboosi y'omunabbi Yisaaya yolerera abweene niyibalomalomaho yiti: ‘Mubwadyeeri bweene mwahawulire nae sim wahamanye amahulundu keene, handi mwahewuunje, nae mwahaya ohubona. 15 Olwohuba omwooyo kw'abandu bano muwangalafu, handi amatwi kaabwe sikawulira, handi bamala ohuliimbia emoni chaabwe, olwohuba bahabeere babona nende emoni chaabwe, bawulira nende amatwi kaabwe, handi bamanya amahulundu k'emboosi nende emyooyo chaabwe, mani bakaluha yindi ohubaonia.’ 16 Nae emoni cheeng'we chiri nende ehabi olwohuba chibona, handi amatwi keeng'we kosi k'ehabi olwohuba kawulira.

Yisaaya 6:9,10 - Ebiholwa 28:27 Olwohuba omwooyo kw'abandu bano, kwamala ohuwumumala, handi amatwi kaabwe kasidoyerera muno ohuwulira, handi emoni chaabwe, bamala ohuchiliimbya; hu beemeo bahaye ohwiingisa nene emoni chaabwe, handi ohuwulira nende amatwi kaabwe, mani banyale ohungaluuhanira mbaonie.’

Mariko 4:11,12 Nae Yesu yababoolera ati, “Eng'we neng'we ababeereswa ehabi y'ohumanya esyaama sy'Obwaami bwa Nasae, nae abandu b'erwaanyi, buli siindu siri busa mu ngaado; 12 mani bacha ohwewunja bulai bweene nae bahaye ohubona; handi bawulire bulai bweene, nae bahaye ohumanya amahulundu keene; olwohuba banyala ohwefunaka mani baleherwamo.”

Yowaana 12:39,40 Mani sakira sibanyala ohufukiirira daawe. Olwohuba Yisaaya handi yaboola ati, 40 “Yawofusa emoni chaabwe, handi yahadaanga emyooyo chaabwe, hu bahaye ohubona nende emoni waabwe handi ohufuumbulira emyooyo chaabwe, mani banyale ohungaluuhanira beeche mbaonie.”

AbaRoomu 11:7,8 Bulaanu siina syeene? Abandu Bayisirayiri haba sibanyoola esiindu sibaba nibakoonya. Kwali omukaanda mudiidi busa, ku Nasae yadoola okwanyala ohusinyoola; abandi nabo beehola abadiimbe eyiri omulaanga kwa Nasae. 8 Koti lu byandiiko byolerefu biboola biti, “Nasae yasiruwasa emyooyo chaabwe nende ebibaaso byaabwe; ohwolera elalira hu ludaalo luno Iweene, haba sibanyala hubona oba ohuwulira.”

2 AbaTesalonika Yohubiri 2:10,11 nende ebibi biingi ebibachirisa ab'ohushirira, olwohuba bahaya ohudaha obwadyeeri bwahabawoniisye. 11 Mani hulw'emboosi yino, Nasae achia ohubatumira obubacha bungi, mani hubafukiirire ebitahoyerera,

Matayo 13:18-23 “Bulaanu muwulire amahulundu k’olukaado Iw’omuwaanyi.

19 Omuundu yeesi nawulira emboosi yidiira hu Bwaami bwo Mukulu mani yahaya ohumanya amahulundu kayo, Sitaani yeecha yaanyuula esyali syataakwa mu mwooyo kwae; eyo niyo emwo yakwa hu ngira. 20 Nae emwo yakwa hu bikina-kina, oyo niye omuundu owlira emboosi ya Nasae mani yayifukiirira bwaangu nende esangaalo; 21 nae koti emboosi luyiteengira muno mu mwooyo kwae, yesimiirisaho budiidi, nae esidinyu syoosi kata esando yoosi niyicha hu Iw’emboosi ya Nasae, abitulaho yabileha bwaangu busa. 22 Nae emwo yakwa mu mawa, oyo niye owlira emboosi ya Nasae, nae hu Iw’ohwelalihira hw’obulamu bw’esyalo nende obwekoombi bw’emyaandu, bifwinyirira emboosi eyo yahaya ohwaamaho ebyaamo. 23 Nae emwo yakwa mu loba layi, oyo niye owlira emboosi ya Nasae, handi yaamanya amahulundu kaayo, mani yamala yaama ebyaamo, mani yaduhana echindi emia ndala, echindi amahumi kasasaba, echindi amahumi kadatu.”

2 AbaKoliiti Yohubiri 3:15,16 Eee, naleero luno Musa nasomebwa, esitaambaya sikona busa hu bibaaso byaabwe; 16 nae omuundu yeesi naakaluhaana eyiri Omwaami, esitaambaya esyo situsibwaangaho.

Hoseya 11:3-7 - Matayo 11:28-30 Mwiiche yindi, eng’we mweesi abahalaabana handi mwasideoyerwa, nae ese njia ohubawuluusa. 29 Mwedwihe ekoombo lyaange, handi munjekereho, olwohuba ese ndi omudiira-kaala handi omuloonga mu mwooyo; mani mwahanyoole yimuwlusuusira emyooyo cheeng’we. 30 Olwohuba ekoombo lyaange, lyaangu, handi omukaangi kwaange, simusito.”

Ebiholwa 26:18 ohubaliimbusa emoni chaabwe, hu banyale ohukaluhana ohutula mu siirima ohuchia mu bulafu, handi ohutula mu maani ka Sitaani, ohuchia hu Nasae, hu beemeo banyale ohunyoola ohuleherwamo ohw’ebibi byaabwe, handi nende esifwo mwabo abali ohulabisibwa ohubitira mu fukiirira mwese.’

2 Timoteo Yohubiri 2:24-26 Omuhalaabani w’Omwaami haba sahoyeere ohuba omuundu musoolani. Nae ahoyeere ohuba owesisa eyiri abandu boosi, Handi ahoyeere ohuba omuundu onyala ohweekesa bulai naali nende ohwesimiirisa, 25 handi okolola abamuyingania nende obuloonga. Olwohuba sinyala ohuba siti Nasae achia ohubaba ehabi y’ohwefunaka mani bamale bafukiirire obwadyeri. 26 Mani awo niwo abacha ohukoboleramo ebibaaso, mani baone omuteego kwa Sitaani okuba nikwabadiira, handi okuba kwakera nibahola bi Sitaani adaha.

Ohubwiihulirwa Hwa Yowaana 3:17-19 Muboola mbwe, Ese ndi omugaga mani ndi bulai muno. Ngandi ndi nende ebiindu byoosi bindaha. Nae haba simumanyireho koti lumuli abeelalihirwa handi abasaasirwa! Muli

abamanani, syekenye, handi abawofu. 18 Mani ndi ohubakerakira ohungulaho esaabbu, esaabbu yitaalihoomo ahakoha daawe, hu munyale ohuba abagaga. Handi mukule nende engubo charachaari ohwefwalaanga abeene mani munyala ohubwiiha hu syekenye sy'esoni sy'eng'we esyo. Handi kuleho amafuta k'ohubahaho hu moni ch'eng'we echo, hu munyale ohubona bulai. 19 Ese nyekaanga handi mboneresaanga abo boosi ba ndaha. Mani becheenge busa mu bwadyeeri, mani mukaluuhana mutula mu bibi by'eng'we.

2 AbaKoliiti Yohubiri 7:10 Olwohuba ohunyoolera hw'omwooyo hwibulaanga ohweyoloya hwoosa omuundu hu buwonia, mani haba sihuleeta ohwesiinduha hwoosi daawe, nae ohunyoolera hw'esyaalo hwibulaanga ohufwa.

1 Abatuki Yitaangira 18:37 - God turned heart back to God

2 AbaKoliiti Yohubiri 4:4 Mu mbaasa yaabwe nasaye w'esyaalo sino yamala ohuwofusa ebibaaso by'abatafukiirira, hwaabakayiire ohunyala ohubona obulafu bw'emboosi ndayi ey'oluyaali Iwa Kristo, oli efwaani ya Nasae.

Luka 8:11-15 “Bulaanu, amahulundu k'olukaado Iw'omuwaanyi niko kano:
Emwo niyo Emboosi ya Nasae. 12 Emwo yakwa hu ngira, nibo abo abawulira; nae Sitaani yeecha yabatusaho emboosi chali mu myooyo chaabwe, mani bahaye ohufukiirira bataonisibwa. 13 Nae emwo yiri hu bikina-kina nibo abo, nibawulira emboosi, bayakaanira nende esangaalo; nae koti lubataali nende emisi, bafukiiriraho hulw'esiha sidiidi, nae ebiha by'ohuhemebwa nibyoola, nibabyekaana. 14 Nae emwo yakwa mu mawa, nibo abo abawulira emboosi, nae ohwelalihirira nende ohubaasa hu buyiinda bw'esyaalo nende esangaalo ly'obulamu bifwinyirira emboosi eyo, mani ebyaamo byaabwe sibihula byaangala. 15 Nae emwo yakwa mu loba layi, nibo abo abawulira emboosi, bayidiira bulai muno nende obwadyeeri alala nende omwooyo mulai, mani baama ebyaamo muhwesimiirisa hwaabwe.

Ebiholwa 15:11 Nae efwe hufukiirira huti hucha ohunyala ohuwonisibwa ohubitira mu sisa sy'Omwaami Yesu, koti busa bosi bacha ohuba.”

AbaRoomu 8:13 Olwohuba nimumenya ohulondakana nende bi mibiri cheeng'we chidaha, mucha ohufwa; nae nimumenya koti lu Mwooyo adaha, awo, mucha ohwiita ebiholwa by'eng'we bibi, mani mube abalamu.